

Broj: 01-14-3-683-1/16-1  
Sarajevo, 07.02.2017. godine

Na osnovu člana 32. stav (4) i (5) i člana 70. stav (3) Zakona o javnim nabavkama («Službeni glasnik BiH», broj: 39/14) i Zapisnika o ocjeni ponuda Komisija za provođenje postupaka zajedničkih javnih nabavki za Federalno ministarstvo pravde i kazneno-popravne zavode, broj: 01-14-3-683-1/16-1 od 01.02..2017. godine, federalni ministar pravde, d o n o s i

**O D L U K U**  
**o izboru ponuđača**

**I**

U postupku javne nabavke putem ponovnog otvorenog postupka, sa zaključivanjem okvirnog sporazuma sa više ponuđača za „Sukcesivnu nabavku sredstava za higijenu u kantini za potrebe kazneno - popravnih zavoda”, izabrani su kvalifikovani ponuđači sa kojima će se zaključiti okvirni sporazumi na period od tri (3) godine do maksimalne finansijske vrijednosti pojedinačno po kazneno-popravnim zavodima, odnosno ukupnom iznosu ponuda kako slijedi:

1. “INTER-COM” d.o.o. Zenica Vrandučka 71 b sa cijenom ponude bez PDV-a 487.981,65 KM
2. “GOLD MIGNON” d.o.o. Sarajevo Olimpijska bb sa cijenom ponude bez PDV-a 513.088,37 KM

**II**

Prvoplasiranom ponuđaču “INTER-COM” d.o.o. Zenica Vrandučka 71 b sa kojim će se zaključiti pojedinačni okvirni sporazumi sa kazneno-popravnim zavodima za period od tri (3) godine u skladu sa tačkom I ove Odluke, dodjeljuju se ugovori za prvih šest (6) mjeseci u ukupnom iznosu od 81.330,28 KM bez PDV-a, odnosno u pojedinačnim iznosima po kazneno-popravnim zavodima u skladu sa Ponudom ponuđača, broj: 0015-01/17 od 26.01. 2017. godine.

**III**

Naredne sukcesivne nabavke, do isteka ugovorenog roka okvirnog sporazuma, provešće se metodom mini tenderisanja sa svim ponuđačima sa kojima se zaključe okvirni sporazumi.

*O b r a z l o Ź e n j e*

Odlukom o pokretanju postupka javne nabavke, broj: 01-14-3-683/16 od 01.08.2016. godine, pokrenut je otvoreni postupak javne nabavke roba za „Sukcesivnu nabavku sredstava za higijenu u kantini za potrebe kazneno - popravnih zavoda”, kojim je predviđeno zaključivanje okvirnog sporazuma na period od tri godine sa više ponuđača za isti predmet nabavke za koji je predviđeno mini tenderisanje.

Odlukom o poništenju postupka javne nabavke, broj: 01-14-3-683-1/16 od 14.10.2016. godine, predmetni postupak je poništen iz razloga navedenih u obrazloženju navedene odluke, te nakon konačnosti ove odluke, proveden je ponovni otvoreni postupak u skladu sa odredbama Zakona o javnim nabavkama.



U ponovnom otvorenom postupku na portalu javnih nabavki objavljena je Tenderska dokumentacija, broj: 01-14-3-683-1/16-1 od 01.12.2016. godine, Obavještenje o nabavci broj 1134-1-1-37-3-19/16 od 07.12.2016. godine i Ispravka obavještenja broj: 1134-1-1-36-8-20/16 od 09.12.2016. godine.

Komisija je u Zapisniku o ocjeni ponuda, broj: 01-14-3-683-1/16-1 od 01.02.2017. godine, utvrdila da su dostavljene tri ponude i da ponuda "DŽANANOVIĆ TRANSPORT" d.o.o. Zenica nepotpuna, s obzirom da nisu dostavljeni dokazi navedeni u tački 3.2.2. i 3.2.3. a) Tenderske dokumentacije, odnosno uz izjave nisu dostavljene kopije dokumenata kojima se dokazuje ekonomska i finansijska sposobnost ponuditelja, niti kopije dokumenata kojima se dokazuje tehnička i profesionalna sposobnost ponuditelja, te nacrt okvirnog sporazuma nije popunjen i potpisan kako je to utvrđeno u Tenderskoj dokumentaciji, zbog čega je ova ponuda odbačena.

Ostale dvije ponude dostavljene su u skladu sa zahtjevom ugovornog organa i iste su prihvatljive za ugovorni organ, te u daljem toku postupka vrednovane shodno kriteriju "najniža cijena" s obzirom da su ispunjeni uvjeti iz odredbe člana 32. stav (4) Zakona o javnim nabavkama kojom je regulisano da se okvirni sporazum može zaključiti i sa dva ponuđača u slučaju ponavljanja postupka zbog nedovoljnog broja primljenih ponuda.

Na osnovu ovako utvrđenog stanja i utvrđene Rang liste prihvatljivih ponuda, Komisija je jednoglasno dala preporuku federalnom ministru pravde da donese odluku o dodjeli okvirnih sporazuma svim kvalifikovanim ponuđačima, a ugovor za prvi šestomjesečni period prvoplasiranom ponuđaču "INTER-COM" d.o.o. Zenica Vrandučka 71 b koji u pravnom, ekonomskom i tehničkom smislu u potpunosti zadovoljava zahtjev ugovornog organa.

Naredne sukcesivne nabavke, do isteka ugovorenog roka okvirnog sporazuma, provešće se metodom mini tenderisanja sa svim ponuđačima sa kojima se zaključe okvirni sporazumi u predmetnom postupku javne nabavke.

Cijeneći navedeno, federalni ministar pravde je donio odluku kao u dispozitivu.

Pravna pouka: Protiv ove odluke može se izjaviti žalba Uredu za razmatranje žalbi Bosne i Hercegovine putem ugovornog organa u roku od 10 (deset) dana od dana prijema odluke.

Dostavljeno:  
3x Ponuđaču uz obavještenje  
1x Komisija za javne nabavke

